

IO. FRANCISCI ROSSELLI CENSURA

Ad censuram vocata.

*In qua definitio actionis deprauata, ab Auctore primum
tradita aduersus ipsum defenditur. Natura
symptomatis in excretis retentisque
explicatur: & multa eiusdem
dicta castigantur.*

A V C T O R
ANTONIUS SANTORELLVS NOLANVS:
In Neap. Acad. Theor. Med. ordinar. Professor.



N E A P O L I,
Ex Typographia Lazari Scorigij. M. DC. XXVIII.






FRANCISCO ANTONIO
A L A R C O N .

EQVESTRIS ORDINIS S. IACOBI
IN SVMMO CASTELLAE SENATV AVDITORI
NEAPOLI SECVNDVM CENSORI
QVOD VERI QVOD RECTI AMANS
CVSTOS ASTREAE SEQVESTER AEQVI
AD ORBITAM TEMPERANTIAE
EXORBITANTES REVOCET
INIQVI CENSORIS ÆQVVM VT RETVR CENSOREM
O P V S C V L V M H O C
VOLENS LIBENSQ; SVBIICIT
ANTONIVS SANTORELLVS







ROMANOS Censores,
qui de moribus civium
fortunisque censebant,
nō in publica solum sce-
lera, probataq; crimi-
na animaduertisse, vt si
quis socios in Prouincia

diripuisset, aut pecuniam ob rem iudican-
dam accepisset, sed laborantes fama, lo-
co dimouisse, & multi testantur, & abun-
dē leges illæ declarant. **PROBRVM**

in Senatu, ne relinquunt. **O R D O** Habentur
apud Ci-
cer-3. de
leg.

*vitio vacato. Cæteris specimen esto. Vt
vitio careat ordo, Censorem quærant in-
terpetrem.* Malè itaque audientibus Se-
natoribus, aditu Curix, Equitibus equo,
annuloq; aureo, Plebæis iure suffragij,
& publicis muneribus interdicebant. Et
quidem iure, enim verò.

Verum dicere fama solet.

Martial.
lib. 7.

Et cautè, nam contemptu fama, con-
temnuntur virtutes; præstatque admini-
stra-

Tacit. 4.
Ann. idē
in Agric.

lib. de
Doctrina
Christiana
Petrarc. l.
1. de rem.
vtriusque
fortun.

*strationibus & officijs , non peccaturos præ-
esse , quam damnare , cum peccarint . An
contempnere nostri ? Minimè verò ; quin
monet nos Chrysostomus , vt sic bo-
nam eligamus vitam , vt bonam etiam
famam non negligamus ; vt enim benè
quidam , honestus rumor est alteram pa-
trimonium . Ea mihi ratio scribendi , aut
potius rescribendi , nè si vulgatis Ros-
felli calumnijs nihil respondeam , honesta
fama , quam nullus vir honestus , hone-
stè negliget , aliquam contraheret labem ;
Eadem causa impulit vt tibi inscriberem ,
non studio dicandi , & vt huic scriptulo
aliquem Patronum eligerem ; nosco enim
tenuitatem meam , exiguitatem opuscu-
li , dignitatem & amplitudinem tuam :
Sed quoniam , te magnus Rex noster ele-
git , qui in aliorum vitam , moresq; ani-
maduerteres , idcirco tibi defero : nempè
vt iudices , non vt vendices . Et vis vt
planius explicem , quid conatus ille sit ,
quid ego præstiterim ? ille iacula intor-
sit , quæ retorsi : vibrauit ille spicula , quæ
vita-*

vitavi : multis me ille maculis est conatus
aspergere ; sed leui manu absterfi : distri-
cto gladio clypeum opposui , & vt Ma-
gnus ille Romanus cunctando , sic ego
(dicam confidenter & audacter) stando
me , meamq; rem restitui . Assequutus
necnè fuerim , tuum esto iudicium . Tu ,
quæso te , vide , inspice . Et Vale .

Ad

lib. de
Doctrina
Christiana
Petrarc. l.
1. de rem.
utriusque
fortun.

*strationibus & officijs, non peccaturos præ-
esse, quam damnare, cum peccarint. An
contempnere nostri? Minimè verò; quin
monet nos Chrysostomus, ut sic bo-
nam eligamus vitam, ut bonam etiam
famam non negligamus; ut enim benè
quidam, honestus rumor est alteram pa-
trimonium. Ea mihi ratio scribendi, aut
potius rescribendi, nè si vulgatis Ros-
selli calumnijs nihil respondeam, honesta
fama, quam nullus vir honestus, hone-
stè negliget, aliquam contraheret labem;
Eadem causa impulit ut tibi inscriberem,
non studio dicandi, & ut huic scriptulo
aliquem Patronum eligerem; nosco enim
tenuitatem meam, exiguitatem opuscu-
li, dignitatem & amplitudinem tuam:
Sed quoniam, te magnus Rex noster ele-
git, qui in aliorum vitam, moresq; ani-
maduerteres, idcirco tibi defero: nempè
ut iudices, non ut vendices. Et vis ut
planius explicem, quid conatus ille sit,
quid ego præstiterim? ille iacula intor-
sit, quæ retorsi: vibrauit ille spicula, quæ
vita-*

vitavi : multis me ille maculis est conatus
aspergere ; sed leui manu absterfi : distri-
cto gladio clypeum opposui , & vt Ma-
gnus ille Romanus cunctando , sic ego
(dicam confidenter & audacter) stando
me , meamq; rem restitui . Assequutus
necnè fuerim , tuum esto iudicium . Tu ,
quæso te , vide , inspice . Et Vale .

Ad

IOANNIS FRANCISCI ROSSELLI

Censura ad censuram vocata :

Scribendi occasio .

Cap. I.

Pervenit ad manus meas dono Petri Praz Catalani, huiusmodi quondam mei, volumen primum Commentariorum Ioannis Francisci Roselli in libros Galeni de differentiis, causisq; morborum, & symptomatum; nam huic, seu auctor, seu alius, multa exemplaria ad vendendum trans miserat. Fuit mihi donum gratissimum, nam de re medica, & ea, quæ me maxime delectat, pertractabat. Cæpi itaq; cupidus librum statim volvere, evolvere, & ut solent famelici, deuorari potius, quam legi. Sed dum hac illac avidius iactor, en imparatus pungor, & incautus. Quid queris? commotus sum ad primos ictus; non enim videbam, quod boni solent scriptores, meam de natura actionis deprauatæ sententiam impugnari, sed in me, meumq; nomen acriter inuehi. Deus bone. Hominem nunquam mihi ante cognitum, nulla à me iniuria lacessitum, in me furere, in me intruere, multa mihi falsò adscribere? Quid facerem, diù cunctatus, nihil valebam certi constituere. Itaque sæpè impetum feci, sæpè me continui. Detinebat me primum, & ferè currentem retardabat genius hominis, dicax aliquin, & procax, & cui hoc studium, mordere, non docere. Fallor, an fallo? Cognosce hominis ingenium. *a* Fernelium virum omnium calculo doctissimum, legistatorem appellat. *b* Magnum Commentatorem Auerroem, catulum aduersus Gal. allatratem, *c* Leonardum Fuchium, physicæ rationis signarium: *d* studiosos ipsius doctrinæ *P* philosophos abiectos, & neglectos; *e* Capivaccum, Rudium arrogantes. An peperci suis Hispanis? *f* Christophorum Auega insolentem appellat. Quid iniurias Argenterij recenseam, viri acri ingenio præditi, & quod in summa eius laude est, Rosello inuisi? *g* Zoilum vocat, leuissimum, bardum, abiectum, audacem, improbum, spurcissimum, *b* simplicem, & multarum rerum imperitum, *i* petulantem, audacem, accusatorem malitiosum, *k* ignarum, *l* delirum, *m* vespam, conuiciatorem, maledicum. An à Gal. abstinuit? obstrictum appellat Cicadam, eum

A tamen

a pag. 263

b pag. 526

c pag. 851

d pag. 919

e p. 1250.

f pag. eadē

g pag. 263

h p. 1094.

i pag. 534.

k pag. 535.

l pag. 536.

m p. 528.

tamē profiteatur esse fidum eius asseclant;aceritum Patronum,
& vindicem, nam eius, inquit, gratia reconditor Argenterijachu-
leos iam pridem obtusimus pro obtudimus posthac penitus euellimus,
& extirpabimus? n

npag. 528.

Miror cur non illud Plautinum addiderit, & pro quo

Tæn.aff.

2.

*pugna illa Penthethronica
Qua sexaginta hominum millia uno die
Volaticorum; manibus occidi meis.*

*Ita constat
ex epist. quā
scripsit ad
ipsum.*

*Constat hoc
ipsū ex al-
lia quā ad
eundē scrip-
sit.*

Ergo sic vna mecum ratiocinabar; morosi hominis est, subira-
ci canibus, quod oblatrent; ride igitur absurdē latrantem, sa-
pienter præteri. Accedebat auctoritas summi medici Ioannis
Francisci Caruascial Hispanensis, qui ab eodem prouocatus (au-
di causam, & ride) quod Excellentissimus Dux Complutensium,
ipsum despectui haberet, Caruascialem contra laudaret suspi-
ceret, spreuit hominem, & vt Canis ille ex Albania, solo con-
temptu inanem factum elusit. An aliud præstitit Andreas Lau-
rentius Gallus, vir impensē eruditus, atque doctus, & de re medi-
ca quam optimē meritus? Contempsit pariter, & neglectui habuit;
Cur tamen ipse tantorum hominum auctoritatem non sequar, sed
alia ingressus via, audaciā hominis procacissimi scripto retunden-
dam censuerim: & publica iniuria impulit, & priuata mea vtili-
tas. Illa quidem, nam cum Regia sim auctoritate ad docendum
constitutus, Magistratum consilio, & hominum lectissimorum
suffragio lectus, quicumque me desipientiæ notat, eidem culpæ
eos reddit obnoxios, quorum auctoritate, aut consilio, ad hanc sui
dignitatem promotus: interest autem Reip. tam effrenatam ma-
ledicendi libidinem coercere, & cōprimere, ne si impunē id sem-
per se facturum intelligat, bacchantis more exultet, & in omnes
feratur. Adducit quoque priuatum meum commodum, ne silen-
tio probata mihi quispiam censeret, quæ à me confutata non vi-
deret. Quæ ergo intorsit iacula, conabor repellere potius, quam
retorquere: quod tamen dum facio, si vulnus fecero, is dolebit, qui
alia omnia agentem prouocauit. Sanē vt olim Retiario piscis, sic
mihi nunc veritas proposita. Quod si dum piscem sector, gladiato-
rem irretiero, fors erit, non consilium. Liceat ergo prisco more
tritum canere ante pugnam. Non te peto, piscem peto. Quid me
fugis? Non certē, non effugies.

Exen-

Excusatio pro Galeno adducta rejicitur. Propria, & Argenterij iniuria vindicantur, & definitio deprauata actionis defenditur.

Cap. I I.

LEgi Rosselle, quæ visa tibi aduersus me blatterare, audi modo, quæ censui retundenda, ut qui loquitur, quæ vult, quæ nō vult, audiat. Conaris in exordio quæstionis de natura actionis deprauatæ excusare Galenum, quod de symptomatis multa pro more scribens, omiserit docere actionis deprauatæ naturam. Quod Galenum excuses, laudo consilium, probo: fecissem idem ego, ni plus veritati, quam ipsi tribuendum censuissem; sed quas affers excusationes, quis admittat? missa enim hæc à Gal. scribis, quia occupatus curandis languentibus, & quoniam logica quæstio hæc est, hoc est curationi rectè instituendæ inutilis. *De quæstionibus*, ais, *Logicis omnibus curis laxatus Galenus, tempori cadens, in sola morborum curatione adhibenda omne suum studium collocauit, contempta inter alia in hoc libro definitione actionis deprauatæ, quæ profecto ad curationem nullo usus est.* Quis, inquam admittat, inutilem esse huiusmodi inquisitionem? nam si instructuosa; cur non eadem ratione omisit definire morbum, symptoma, quemcumq; alium affectum peculiare partes infestantem? Cur non & tu, vir vsque adeo frugi, præteristi silentio? Ne ais, è plebeia face haustus quispiam, negligentia hos nostros commentarios arguat. Et Elephas culicem? At debent animi excelsi contemptum itum contemnere. Præstabit itaque credere, occupationibus multis districtum Galenum, huic contemplationi vacare non potuisse. At quæ fore. Vnde hoc didicisti? An Galenus ab inferis per epistolam hoc te monuit? An contra Laruarum aliqua tibi reuelauit? Demus tandem hæc tibi, & tecum fateamur, ob multas occupationes Galenum hæc omisisse: nonnè tacite sentis, peccasse Galenum, mœreri tamen veniam, quia occupatus singula disquirere non potuit? Sed hæc satis, ne in Galenum inuehi videamur, cum tamen excusationes tuas, accusationes esse sit animus demonstrare. Descendamus ad ea, quæ maxime meæ sunt, & quorum causa hanc aleam subiui. Quare videamus, quæ in me, & meam sententiam, cætera disquirent alij, si velint. Ego sic rectè definitam esse actionem deprauatam cõtendam, Et quæ sit aliter, ac fieri deberet pro salute animalis. Nunc te carpentem audiamus.

Quidam, ais, Santorellus, unus ex his, quos ille nihil sapere docuit, &c. Ita no? Atqui multum mihi tribuunt multi, qui om-

4 . Ioannis Francisci Rosselli

nium iudicio multum sapiunt. Magistratus me publicè ad docendum præposuēr; Auditores magna frequentia, plausuq; mea excipiunt: ceteri sic mea scripta probarunt, vt iam diu expectent Antepix meæ exemplaria. An displicui exteris? Possem tibi multos Italos recensere, qui honorificè admodum de me sentiunt; ne tamen amicè dicas blanditos, Hispanos tuos appello, non eos, qui hic commemorantur, ne vt suspectos pariter reijcias, sed Gabrielem Fonsecam, & Michaelem Barredam, quorum hic probantibus omnibus, nisi forte obtrectante te, cui stomachum mouent dulcia, sapiunt amara, docet medicam facultatem Compluti: Ille summa cū laude Romæ summis Principibus facit medicinam: hos roga, haud dubito, quin vt tui, doctrina, & modestia sunt dissimiles, sic de me aliter, ac tu sentiant: *quamquam nec tu aliud intemperante hoc tuo scripto testaris, vt enim Cursores, non eos inspiciunt, quos post se reliquerunt, sed in eos oculos intendunt, quos vident anteire: sic calumniam in meliores dirigitur, virisq; laudatis perpetuò insiditur.* Imò, & passim confirmas; nam idem quod ego sentis in ea quæstione, qua quæritur, an possit læsa actio aliam actionem ledere: idem in hac quam præ manibus habemus, vt mox demonstrabo, vt mittam communia. Quis autem de sapientem sequitur, imitatur, ni sit, & ipse desipiens?

Sed rogo te Rosselle, Quis tam malè, me perdidit, & in sylum malorum coniecit? Ille ait, Argenterium innuens. Argenterius ergo tanti causa mali? O malum hominem: siccinè amicos, & alumnos? Sed heus tu, mi homo, aut fallis, aut falleris certè; non enim Argenterianus sum ego. Placet quidem in Argenterio liberum illud genus philosophandi: admiror acre hominis ingenium, in peruidendis aliorum erratis acutum, detegendis clarum, perspicuum, confutandis robustum, & validum. Displicet contra immodicus ille contradicendi ardor, quo abreptus, à vero desectit plerumque, quò factum vt plerumq; ab eo recesserim; nam alia mihi, alia illi sententia de natura morbi, & causa, de morbi, causæq; generibus, & quoties potui, Galenum ab ipso vindicaui. Ergo sicubi erraui, ego in culpa, non alius. Proinde me, me feri, monstrum, qui tale tuli.

Suffragatus es, subdis, hanc de natura actionis deprauatæ sententiam ab Argenterio, neuè furto deprehendereris, verbis mutatis vt propriam in medium profers, fures imitatus, qui vestes raptas in alias figura dissimiles commutant, ne furti conuicti debitas penas luant. *Quidam ais Santorellus, vnus ex his, quos ille in illis sapere docuit, cum toto animo de huius actionis definitione cogitasset, eandem, peroptato illi datam vehementer amplexus est, bilaruansque simulatione rapinam texuit, & auctori culpam adscripsit, quod difficultatem definiendi subterfugisset: Cumque fures earum rerum, quas cœperunt*

Censura ad censuram vocata. 5

perit, signa commutent, proinde actionem depravatam definiri scribis, quæ sit aliter ac fieri deberet pro salute animalis.

Duo hic crimina mihi Rossellus imponit, furti alterum, alterum impossibile; quàm iniuste, eiusdem tesinionij probabo. Ad furtum, duo sunt necessaria: primum est, ut res aliena auferatur, hoc est inuito domino rapiatur: secundum, ut auferatur occulte; hinc definitur furtum, quod sit occulta subreptio: fraudolosam vocat contrectationem Paulus, & quod occulte sit, furtim fieri dicimus; literasque sic scriptas, ut non nisi ab eo, ad quem scribuntur, intelligi possint, furtivas notas appellamus; nam fur, à quo furtum, à furto, hoc est nigro, Varrone auctore, est dictus, quod furta clam fiant, & pletumque nocte. Nunc verò datam mihi huiusmodi definitionem testaris Rosselle, & ut nullam vim factam, fraude nulla, subreptam declarares magis, peroptato, hoc est libenter mihi darâ scribis. Qui ergo rapta? Quorsum insuper in indagandâ actionis depravatæ natura, tantos adhibuisses conatus, si definitionem nullo labore suscepto, Argenterius obtulerat? Nec furatus itaque neque ullam, ut ais, *rapinam texui*. Dic tercio, si ab Argenterio hæc subripui: quomodo aliam mihi, aliam Argenterio sententiam imponis, & primum Argenterij de re ista sententiam profers, mox meam afferis in medium? nonne præstabat illam Argenterij nomine impugnare, me tanquam furem tantum reprehendere? Afferam verba, ne quis falsò ista imponi suspicerur. Porro tamen si homo improbus; hoc nomine vocat Argenterium, adversus Galen. *audacter dixerit*, quid tamen dixerit, tacet: in sua tamen confusa, & permixta disputatione, quibus cum permixta? multos inopinatè docuit. Si confusam texuit disputationem Argenterius, quomodo multos potuit docere? aut si docuit, & multos, confusa illa certè non fuit: aut demum si confusa illa est, & multos nihilominus docuit, vide quid futurum, ubi improbus iste scribit clarè, & distinctè. At quomodo inopinatè, quæso te, si hoc sibi faciendum proposuit? quia, ais, *confundendo, & permixcendo varias cogitationes, ut ex illis definitionem aucuparetur, non consultò, sed casu in hæc verba incidit: damnamus siquidem omnem actionem, quæ aliud opus facit, quam oporteat, veluti si ventriculus pro nutrimento, venenosam aliquam substantiam gignat*. O inauditam aciem oculorum, qui quæ sunt, non agnoscunt, quæ non sunt, intuentur; in Argenterio enim incogitantiam novit, in me hilaritatem simulatam. Sed si usque adeo in re ista confusus Argenterius, inconsultus: Cur me ea saltem laude non decorasti, quod distinctè, quod apertè, hac de re fuerim loquutus? quod ista illustraverim, dilucidaverim? Enimverò quæ alij præstiterit, si meliora reddamus, haud rapta iure quispiam dicet, ni dicere velis cuncta

6 Ioannis Francisci Rosselli

cuncta à Conciliatore transcripsisse Vallesium, D. Thomam ab alijs Theologis, ab Homero Virgilium, ab alijs Philosophis Aristotelem. Sed heus tu, né putes, hæc ideo à me dicta, quod tacite fatear ab Argenterio esse mutuam de natura actionis deprauatæ definitionem: nunquam hoc vel somniaui: tuum est somniū, tuum est commentum: & vis ut liberè hoc dicam, & verè? malas mulieres imitari videris, quæ cum turpem suo corpore quæstum faciant, honestas tamen matronas impuditiæ notant, adeo cum pudicitia pudorem omnem exuerunt; Vt enim tunc lib. 3. q. 16. fateris, id tantum inuenisti, id nondum dictum ab aliquo dixisti, quod ad tertium genus symptomatum pertinet, eamq; ob causam mirum, quantum te iactas, gloriaris, tibi places, cum tamen si sciperes, nunquam voluisses dictum, & nihilominus tu me furti acutus? Tu qui centonem ineptè concinnasti? me? qui primum docui naturam symptomatis, delirij, qui primus monstraui nec palpitationem, nec conuulsionem fieri à solo morbo, non à solutione, & alteratione dolorum, sed à parte soluta, & alterata: qui problema 50. 1. sect. alijs peruertentibus literam, illustraui, qui rectam rerum omnium administrationem in morbis docui, furti criminari audes? & tu audes hoc facere, qui caput primum primi tui libri à Zabarella transcripsisti, spoliasti veste Romana, barbaram induisti? Tu me insectaris, cum à me fueris suffragatus illud, quod nondum aliquis antè me docuerat, ab vna læsa actione aliam læsam nequaquam prouenire? Qui demum definitionem actionis deprauatæ à me arripis, tu, tu furti me in simulas? O os hominis ferreum. Ita factum Rosselle mox probabo, nunc reliqua ordinatè prosequamur.

Videamus itaque quid reprehensione dignum censeas in hac deprauatæ actionis definitione; Est quæ sit aliter, ac deberet pro salute animalis: quæ ratione sit, differt ab abolita, quæ aut nullo modo sit, aut nullatenus, quantum sensu dignoscere licet: quæ sit aliter, ac deberet, à diminuta est diuersa, quæ nō sit aliter, sufficienter, itaq; à quouis alio distinguitur, quare, & constituitur, nam vt loquaci, idem est distinctiuum, & constitutiuum. Verum, ais, hæc deprauatæ actionis praua definitio, non est admittenda, sed grauius refutanda, & reijcienda: Cur? audi causam, eamque duplicem, tum propter eius auctorem, & impulsorem, cum propter nonnullos horum hominum sequaces, qui & docere nesciunt, & à doctis doceri recusant. Dic rogo, quisnam auctor, quis impulsor? Ego certè Argenterium, haud impellere potui; Quare erit Argenterius impulsor, ego auctor; non ergo rapinam texui, vt tu falsò asserebas.

Priore non debent auctores, sed auctorum dicta impugnari, & vt benè Clemens Alexandrinus, non propter eum qui dicit, sunt impe-

Censura ad censuram vocata. 7

Imperitè ea prius damnanda, quæ dicuntur, sed sunt confidenda, quæ dicuntur, an veritati cohereant. Plancus ille Ciceroni familiaris optime, Non me priuata offensiones impediens, quominus pro Reipubl. salute, etiam cum inimicissimo consensiam. Tu ergo perperam: qui priuata inimicitia impulsus, aliorum sententijs contradicis; & eorum, quibus cum, nulla litis, aut discordiæ causa: nunquam enim te noui: nunquam tu me nosti. Sed audiamus aliam causam.

Lib. 10.
epist. fam. i.
liar. epist.
11.

Cum propter nonnullos horum hominum sequaces, qui & docere nesciunt, & à doctis doceri recusant. Displicet itaque, quia alijs placuit, & quia alijs ipsam confectantur, idcirco auersaris. Quid ergo? Vis ne omnes sapere ex ore tuo? & id tantum sanctum esse, quod velis? Sed heus tu, tu qui alios carpis, in tua crura asciam alhidis, & veluti pueri, quo saxo Cælum petunt, se ipsos feriunt, Cælum non attingunt, sic tu dum foeuis in alios, in te furis. Rides? immutato nomine, de te fabula narratur. Tu enim meam sequeris sententiam, vel inficius, vel veritate coactus. Quare si nostri sequaces, & docere nesciunt, & doceri recusant, illud tibi, te iudice, conueniet elogium, & doceri, & docere æquè nescius. Salteq; quidam meus discipulus in te scripsit.

*Omnibus obtrectas, nulli non conuiciaris,
Non tibi parvisse te quoque tutè feris.*

Nec insulse alius

*Iurauit cunctis Rossellus conuiciari,
Et fecit, sua nam carpere dente solet.*

Non abibo longius vt id probem, neque aliundè erunt conquirenda argumenta ad hoc monstrandum: extua id definitione deducam. Definis actionem deprauatam hoc modo. *Actio deprauata est actio laesa propter aliquod additamentum inhaerens principio agendi, quod immutat eius actionis terminum, vel modum agendi.* Differet itaque deprauata actio ab imminuta, te auctore, quia deprauata vel sit alio modo, ac imminuta, vel habet alium terminum; idque ob aliquod additamentum inhaerens principio agendi, quia particula causam innuit deprauatæ actionis. At fieri alio modo, aut habere diuersum terminum, est aliter fieri, ac conuenit animalis salutis, vel ratione modi, vel ratione termini. Quare dicere actio deprauata ea est, cuius vel terminus, vel modus agendi est immutatus propter additamentum aliquod hærens principio agendi, idem

8 Ioannis Francisci Roselli

idem est ac dicere, actio deprauata est quæ fit aliter, ac fieri debet pro salute animalis, nam ly aliter, vt infra, & modi diuersitatem significat, & termini. Apertè sanè calumniæ animalis calori compararunt; nam vt hic deficiente alimento, corpus animalis depascitur: sic maledici, vbi alijs detrahere non possunt, suos carpunt, atque adeò vt nec sibi parcant. Cæterum quia Rosello placere, mali argumentum, & quod dixit ille Populo applaudente, nūquid etraui? idem ego, hoc annuente, perpendamus definitionem, & rationes aduersus ipsam propositas.

Conuenit, inquit, deprauatæ actionis definitio actioni imminutæ. Quare mala. Conatur suadere antecedens quatuor medijs: Primum, quia imminuta quoque fit secus, & alio modo, ac salus animalis requirit. Secundo, quia quæcumque actio malè fit, ac vitiosè, secus fit, & aliter ac deberet: sed actio diminuta malè ac vitiosè fit; Quare aliter fit, ac constare conueniebat. Tertio, quia actionum omnium, mortuumque distinctio, formaliter desumitur à termino, ad quem tendunt, non autem à termino, à quo proficiuntur; Quare non benè deprauata actio ab imminuta distinguitur, quia hæc inchoatiuè saltem est secundum vota naturæ, deprauata contra vota eiusdem. Quarto idem sentiendum de actione imminuta, & deprauata, quod de magnitudine adaucta, & imminuta; sed vtrumque magnitudinis vitium est præternaturam, esto magnitudo imminuta cœperit egredi iuxta vota naturæ, licet rem ad exitum non perduxerit: & si quis eam voluerit excusare, ob hanc causam, ab omnibus irridebitur: quare irridendus eadè ratione, qui actionem imminutam iuxta vota naturæ fieri autumabit. Hanc rationem ab exemplo desumptam tanti fecit Rosellus, vt dixerit, me mutum euasurum, & elingnem.

Sed mi homo, & si vatem te esse profitearis, & diuinatorem, vera tamen nequaquam cecidisti; respondebo enim, & leui manu abstergam, atque vt à postremo hoc argumento exordiar, quod validissimum censet, & Achyllem, do tibi, & lubens libensque concedo, idem esse de imminuta, & deprauata actione iudicium, quod de imminuta, & adaucta magnitudine. Quare vt tūc aducta, cum imminuta magnitudo affectus sunt præter naturam, sic tam actio imminuta, cum deprauata affectus pari pacto erunt præter naturā, ac propterea tollendæ: & veluti superflua illa quantitas, & si diminuta, secundum naturæ vota est, defectus contra est præternaturā, & propterea tollendus, nam morbus priuatio: sic actionis diminutio, seu defectus ille, præter naturam est: actio, seu positua illa entitas, secundum naturam, nam ab ipsa intenta. Quod si contendas vltèrius, quantitatem illam imminutam morbum esse, non tantum defectum, assentiar Roselle tibi, si tamen des mihi, vt curare volenti

leanti

Censurā ad censuram vocatā. 99

leniti imminutam magnitudinem, si qua vniquam laborare contigerit tibi, quicquid superest, obturuncem & adimam; debet enim medicus quicquid est præter naturam remouere. Quod si id dare nolis, alterum vel inuitus fatearis necesse est, defectum esse præter naturam, & morbum: quantitatem secundum naturam & augendam. Hæc certè te elinguem, & mutum non reddent, prius lupus ouem ducet uxorem: quin potius infanientium more infurges aduersus medicum, omnibus tamen mente sanis satisfaciens: nam quæ ad confutandum meum placitum de morbi natura adducis lib. 1. quæst. 49. nullam vim habere, & prorsus inania esse, nullus non fatebitur facile. Scias itaq; lector, dum de morbi natura disputare primo libro, in eam sententiam iussisse, quæ docet, puram esse, meramq; sanitatis priuationem, nihil realis includere, nihil positium, si tamen formaliter sumatur; unde cum, sanitatem definiant physici naturalem potentiam ad bene operandum, morbum esse intuli, impotentiam præter naturam ad bene operandum. Ita autem putavi eam ob causam, quia defectus quantitatis, seu continuæ, seu discretæ, & soluta vnitas morbus est, non vitæ solutio, nam hæc est motus, motus autem est passio, & quid longè diuersum à morbo; At verò defectus quantitatis & vnionis nihil habet positium, sed est pura negatio; quare est morbus priuatio. Quia verò videbam multos statim dicturos, non esse defectum illum morbum, sed dispositionem malam, quæ ex illo defectu resultat: nil posse positium resultare ex illa priuatione probavi: nec si quid posset ex hypothesi resultare, erat cur quispiam diceret, morbum formaliter esse prauam dispositionem resultantem, quia si Deus impediret, resultantiam illam, certum esset ob solùm defectum, vitiatas iri actiones; vt si imminuatur calor ad coquendum necessarius, esto non inducatur nouus gradus frigiditatis, coctio proculdubio vitata prodibit. Quare cum, non debeat ars quædam superuacanea ponere, non debet aliquis dicere morbum esse quid positium, cum ad lesionem actionum satis superq; defectus sit & priuatio.

Hanc examinans, Rossellus quatuor rationibus est conatus conuellere. Prima est, morbus est dispositio, hæc autem res positiua.

Secunda nullus terminus accretionis, decretionis, alterationis, vel loci mutationis est priuatio: sed omnis morbus est terminus accretionis, decretionis, alterationis, vel loci mutationis, siue id per se, siue per accidens intelligatur. Ergo nullus morbus est priuatio.

Tertia nulla priuatio sanitati opponitur; opponitur contra, morbus sanitati.

Quarta nulla priuatio potest efficienter producere aliquid : loquitur autem efficienter morbus actiones ; quare morbus non erit priuatio .

Argumento adducto respondet , negendo numerum imminutum , prout imminutus est reduplicatiuè morbum esse , sed quantitatem decurtatam , hoc est rem positiuam , quæ incrementum debitum non attingit , quo debebat cum confortibus ad actiones venire , hanc esse morbum contendit . Hæc verò quis non ridebit Roselle : enim verò , vt hinc ordiar , si quantitas illa realis , imminuta tamen , est morbus , teneretur medicus , vbi hunc curandum suscipit , vniuersam partem imminutam abscindere , & obtruncare ; at verò ea amputata morbus fieret maior : non ergo imminuta illa quantitas est morbus formaliter . Quare neque hæc ratio Tantali hortus est , quod aliquid esse videatur , cum tamen sit nihil , in quo sensu à te dictum , Tantali horti : sed quoniam vt Tantali bonis , non licet frui , fugientia enim capiat flumina : haud aliter vim rationis propositæ assequi tibi non est datum . Proinde huc soluendæ stude , huc insuda , hæ enim tuæ partes sunt ; non manum inæsententiæ affectis porrigere , & docere , qua possent methodo ipsæ propositæ de morbi natura sententiam suadere : Auræ illas excogitæ rationes , quæ nostram demoliuntur , nam quas adduxisti l. r. dissoluimus : quæ à nobis , eo loco adductæ nō fuit , solutione non eger , rursus excipi debet : Enim verò si omnis motus terminus , seu proximus & per se , seu remotus & per accidens , positium quid esset & reale ; esset mors positium quid & reale , quando mors per accidens alterationes , vulnerationes , & alios motus sequitur : in Tyronum tamen gratiam dicimus , omnis terminus per se motus , est quid positium & reale ; terminus per accidens motus potest esse priuatio , vnde ex recessu luminosi tenebræ . Quamobrem cum morbus non acquiratur per se motu , vt tunc tui oblitus fateris pag. 274. non erit vel te auctore , morbus quid positium , sed priuatio .

Ad primum negamus imminutam actionem aliter fieri ac deberet . Ad probationem , asserti detrimentum salutis animalis , respondet , in imminuta actione duo posse considerari : quod primum est , & quod ad complementum & absolutionem superest producendum . Ratione primi , præter naturam non est , quemadmodum deprauata , cuius terminus semper noxius est , & inutilis animali . Ratione eius quod est producendum , vt sic imminuta actio dicitur præter naturam , non enim eius est perfectionis , quam obtinere debebat : secus tamen factam esse nullus debet asserere ; quis ly secus & aliter in suo vero significato naturæ diuersitatem significat , vnde cum imminuta actio à perfecta non nisi gradu dif-

Censura ad censuram vocata: 11

Alu differat, vt imperfectum à perfecto, non natura, & vt vulgo dicitur per magis & minus: numquam debemus dicere, imminutam actionem esse aliter factam, ac fieri deberet. Quare neque illud negandum, esse hanc secundum naturam, & ab ipsa intendi, dici præter naturam, & symptoma, ratione eius quod deficit, & nondum est productum, cum tamen produci debuisset, nam qui quinque digitos in manibus optat, adhuc quatuor desiderat: & licet non hic conquiescat, nam quintum etiam optat, adhuc tamen quatuor illos optat, quod de deprauata haud potest dici.

Quod verò ly aliter, & secus, diuersitatem naturæ significet, Probat, quia, aduerbium, aliter, deducitur ab alius, alia, aliud, nunc verò ly aliud apud Philosophos, differentiam substantialem significat: vnde Porphyrius cap. de differentia docens, quæ ratione differt differentia communis, propria, & maximè propria, quia hæc, inquit, facit aliud, illa alterum & diuersum per accidens. Omnis, inquit, differentia in vniuersum, diuersum alicui adiuncta facit, sed communiter quidem & propriæ differentie, diuersum per accidens faciunt: propriissime verò, diuersum per se, quod quidem aliud dicitur. Nec Porphyrij tantum hæc sententia est, sed omnes eius loci Interpretes idem docent.

Sed obijcies. Plurima generatio bilis, pituitæ, aut melancholicæ, est actio deprauata, nam actionem adauctam sub deprauata, pariter contineri cum Galeno & alijs diximus; at verò per hanc actionem deprauatam non producitur terminus essentialiter diuersus, sed eadem bilis specie, copia tamen maiori, quàm conditio corporis exigebat. Quare mala definitio, quia non conuenit omni definito.

Respondeo bilim plus iusto genitam ab hepate ad calidam intemperiem lapsam, bifariam posse considerari, vt bilis est, & vt præter naturam, quia multa: primo modo non est diuersa specie ab aliabili; at si consideretur ratione, qua multa, quia vt sic euadit præter naturam, quod specie differt ab eo, quod secundum naturam, iure dicere possumus bilim illam exuberantem, differe specie ab alia, quam conditio corporis exposcebat. Non est meum commentum istud, nec nouum in medicina, quod assero, sed communis eorum omnium doctrina, qui febrem formaliter esse docent calorem ad auctum, non intemperiem ab adaucto calore productam; vt enim vident, illud absurdum, quod ex hac assertionem, necessarîo inferebatur, non differe nempe sanitatem à morbo, nisi gradu, & per magis, & minus, nam si immoderatus calor febris est, moderatus sanitas, quis non videt, cum moderatus calor ab aucto non nisi gradu differat, non nisi gradu futurum, vt differet à morbo, bona valetudo. Vt inquam, hoc vident, dicunt communi-

munitur omnes, quod et si exuberans calor non nisi gradu differat à moderato, si calor spectetur ut passibilis quædam qualitas: esse eosdem nihilominus diuersos specie, si moderatus consideretur, quatenus est secundum naturam, immoderatus contra, præter naturam.

Quod si licet hac via Aduersarij vim propositæ rationis eludere, iniquè facient iisdem, ni nobis permittere velint, ut iisdem atque rationem propositam expugnemus.

Insistes. Adhuc terminus imminutæ actionis præter naturam est; ergo specie diuersus à naturali; Ergo imminuta actio adhuc aliter fiet; quare erit mala definitio, quia conuenit alteri à definito.

Respondeo negando antecedens, nam terminus actionis imminutæ, cum sit medium ad consequendum terminum perfectum, est à natura intentus, nam quicumque finem aliquem optat consequi, optat idem media consequendo illi fini necessaria. Quare cum actio imminuta sit via ad completam, erit illa semper, & eiusdem terminus secundum vota naturæ. Vbi dicitur est actio illa præter naturam.

Respondeo esse præter naturam, non ratione entitatis productæ, sed ratione defectus, ut supra, & nunc volui repetere, quando Galeni consilio, quæ ad vsum artis faciunt; ea sunt multoties repetenda.

Ex his potest pariter intelligi, quomodo immoderata sitis, famese excedens, etsi non nisi gradu à naturali tum sanie cum sitis differre videantur, est tamen tum sitis immodica, cum famescana, actio deprauata. Nempè & hæc adauctæ actiones à moderatis & naturalibus specie dici possunt diuersæ, quatenus moderatæ sunt iuxta vota naturæ: adauctæ & immodicæ contra vota eiusdem.

Ex hoc patet ad secundum. Patet enim maiorem illam, quæcumque actio male fit, & vitiosè, fit aliter, & secus quam conueniat naturæ animalis; falsam esse, & nullo modo admittendam; nam imminuta actio, vitiosa quidem est; & præter naturam, non tamen fit aliter, quia non producit alium terminum, hoc est essentialiter varium, & diuersum ab eo, qui debebat produci: sed non fit eo gradu & perfectione, qua debebat; enim verò quemadmodum Romam profecturus, si ea via incedat, quæ Romam ducit, & si itinere in medio consistat, hunc diuini esse, à via recta aberrare, & secus incedere, ac debebat, non dicimus, dicimus hoc de eo, qui à recta via aberrat: hanc aliter actio diminuta, non dicitur secus fieri, & aliter, sed diminutè & imperfectè. Quare sic debet maior illa formari. Quæcumque actio male fit & vitiosè, non fit modo quo

con-

Censura ad censuram vocata. 13

conuenit pro salute animalis conseruanda & tuenda: modus autem hic potest esse alter, & accidentalem inducens differentiam à bono & naturali, & est actio imminuta: potest quoque esse diuersus essentialiter, hoc est inducens terminum naturæ diuersum, & hæc actio secus dicitur fieri, & aliter, & propriè deprauata vocabitur.

Locus Galeni, quo Rossellus vitur ad confirmandam maiorem sui argumenti, frustra adducitur; non enim, inquit Galenus, actio quæ sit secus, ac conuenit, duplex est, imminuta & deprauata, sed ut ipsemet citat, *malè, ait, bisariam dicitur, vel idem quod debilitat, vel idem quod deprauat*, cum tamen hoc esset illi probandum; nam quod imminuta actio mala sit, & præter naturam, non ratione entitatis productæ, hæc enim ratione à natura est intentæ, sed propter defectum, hoc numquam negauimus. Negauimus autem? Imò apertè declarauimus lib. 1. antepr. cap. penult. Quod controuertimus est, num actio hæc præter naturam, secus & aliter fiat, ac debebat fieri, an altero modo, sed non alio: quæ de re, quia multa, progredior ad tertium & vltimum, quando de quarto diximus primo loco, ac prius aduertere liceat, motus nedum distinguui ob varios terminos ad quos, sed ex vario modo attingendi terminum. Sic lapidis, centrum versus projectio, si celerius fiat, quam lapidis naturæ conueniat, est motus ille, D. Tho. auctore, violentus; non quod terminus motu comparatus, lapidis naturæ repugnet; gaudent enim centro grauiæ, & propterea proprio impetu versus ipsum mouentur; sed quoniam celerius, quam suæ naturæ conuenit, centrum petit: motus ille, qui si terminum spectes, est prorsus naturalis, ratione modi, præter naturam euadit: sic insuper potest fieri, ut, ad eundem terminum, vnum animal moueatur reptando, gradiendo aliud, aliud tandem volatu: alterum per lineam rectam, ut per chordam, circularem alterum. Quamobrem cum hi motus, sint inter se diuersi, neque iidem differant ob terminos varios, fateri oportet, nedum ob varios terminos ad quos motus distinguui, sed & ob varios modos attingendi terminum. Nec tu aliter sentis, nam infra definiens actionem deprauatam, ponis illam immutatam esse, & à naturali diuersam, vel propter terminum varium, vel propter diuersum agendi modum. Quod si potest vna actio ab alia distinguui ratione modi, nedum propter terminum diuersum, cum idem constituat, quod distinguit, poterit optimè actio deprauata per modum definiri, quando per eundem ab alio commodè distinguitur.

Adde secundo quod definitio innuit apertè, has actiones terminos distinctos habere: cum enim dicatur alteram fieri secundum

vota naturæ, alteram contra vota eiusdem, & secus ac conuenit natura

tuæ

turæ animalis, nullus est, qui non inde facile intelligat, actionis depravatæ terminum esse omnino illaudatum, & contra naturam; terminum verò actionis imminutæ, esse quidem secundum votam naturæ, non tamen omnino explere appetitum eiusdem, quæ semper ad id, quod in re quæque est optimum contendit. Nolim tamen propterea puter quispiam, me actionem imminutam sic laudare, ut nihil vitiosum & reprehendendum in ipsa agnoscam; præter naturam esse dico, & symptoma: parte tamen, qua deficit, non ratione eius, quod est productum, & factum, ut in solutione primi argumenti dixi cap. penult. lib. 1. & lib. 3. cap. 2.

Ex his vide, lector candide, vera scripsisse Rossellum, confutatam esse propositam definitionem depravatæ actionis, non, quia falsa, nullius enim est erroris conuicta, sed quoniam ego auctor ipsius, & alij multi, quibus cum illi non admodum conuenit, eandem sunt sequuti, & amplexi. Videre potes secundo margaritas illas doctis tantum propositas (erat autem propositio, vel si minus physices attingentibus nota, motus distinguuntur per terminos ad quos) non degustasse Rossellum, nam paulò post distinguit actionem depravatam à laudata, non tantum ex termino, sed ob varium modum attingendi terminum.

Pater tertio Rossellum nedum furti crimine damnandum esse, sed & homicidæ, quandoquidem non solum furatur, sed viatorem furem vocat, neque conqueri possit, accusat, & multis plagis confodit.

Rosselli sententia de natura symptomatis in excretis assertur, rejicitur, vera proponitur, & ventosi eius proemij multa confutantur. Cap. III.

Decreueram hic gradum sistere, neque ultra progredi, nam in eo tantum capite aperto est Marte in me inuectus Rossellus: Cetera aut attingere noluit, aut non vidit, aut ego non vidi. Quare cum me, meaque tueri esset animus, idque absoluissem, defunctus videbar: quando ecce oculus nescio quis, aurem mihi percellit, & ait. Siccinè immemores, nec recordaris quæ spondidisti? Redime ergo verba tua, alioquin promittentis temeritatem accusabo. Ne ergo summo iure, & ex singrapha mecum agant, solvam debitum. Monstrabo itaque de eorum grege Rossellum esse, qui exultant cum peccauerint, & cum male fecerint, gloriantur? Cum enim in declaranda natura symptomatis in excretis miserè admodum sit hallucinatus, & prorsus coecutiuerit, plausum tamen posulat, triumphum canit, & quod omnem superat vaniloquentiam,

Censura ad censuram vocatā. 15

tiā, vult tanquam exemplar posteris ad imitandum proponi.
Ordinar à capitis fronte.

Solita, ait, lenitate, &c. A mendacio ordiris: vbi enim lenis? imo vbi non turbidus, non lutulentus fluis? quando non asper, non acer, non æquè aduersus omnes contumeliosus, & non dicam amarulentus, sed bili ipsa amarior?

Et facilitate nostra de morbi & symptomatū quæ propriè dicuntur tertio genere hucusq; non pauca diximus, &c. Quid tum? an modo difficultatem affectare vis, obscuritatem, tenebras? aut fallor, aut huc adspiras; nam ab Euandri matre mutuasti eas voces, minurizando, & vibrissata. At audi quæ Phauorinus philosophus adolescententi cuidam antiquorum verborum cupidissimo, & pletrasq; voces nimis prisca in quotidianis sermonibus expriment obiecit. *Curtius, & Fabritius, & Coruncanius antiquissimi nostri, & his antiquiores Horatij illi Tregemini, planè & dilucidè cum suis fabulati sunt, neque Auruncanorum, aut Sicanorum, aut Pelasgorum qui primi coluisse Italiam dicuntur, sed etatis suæ verbis loquuti sunt.* Tu autem, perinde quasi cum matre Euandri nunc loquare, sermone multis iam annis desuo uteris, quod scire atque intelligere neminem vis, quæ dicas. Nonnè homo inepid, ut quod vis, abundè consequereris, taceres? Sed antiquitatem tibi placere ais, quod honesta & bona, & sobria & modesta sit. Viue ergo moribus præteritis, loquere verbis præsentibus, atque id quod à C. Cesare excellentis ingenij, ac prudentiæ viro in primo de analogia libro dictum est, habe semper in memoria, ac pectore, ut tanquam scopulum, sic fugias inauditum atque insolens verbum. Eleganter lyricus.

Refert Augustus Gell. l. 1. no. 1. At tit. 6. 10.

in arte Poetica.

Vt siluæ folijs pronos mutantur in annos

Prima cadunt: ita verborum vetus interit etas,

Et iuuenum ritu florent modò nata, vigentq;

An dissimile ventosum illud proemium quæst. 13. 3. lib. 3. minime verò, & vellem licet, non possem citra notam ignorantiae laudare; diuinandum enim est, quid est quod velis, usque adeo cuncta sunt obscura & confusa: hic deficiis, ibi abundas, aberas ubiq; *Tempus*, ais, in gerendis rebus, quasi ducem sequi, prudentia est: quoniam alia dies, alios mores postulat. Hoc vel cæco notum, nam vulgo est iactatum prouerbum, oportet seruire temporis. Sed.

Quid dignum tanto feret hic promissor biatu?

Horat. in Arte Poetica.

Audi.

Audi. *De questionibus*, ait, *logicis, omnibus curis laxatus nosse Galenus*, &c. hic deficit, nam desideratur ni fallor, quandoq; tractauit: *tempori cedens*, hoc est occupatus, in *sola morborum curatione adhibenda*, omne suum studium collocauit. Quid tum? *contempta inter alia in hoc libro definitione actionis deprauata*, &c. Et hic quoque es mancus, scribendum enim erat: unde quia occupatus scripsit de morbo & symptomate, idcirco definiendam actionem deprauatam nullo modo curauit, nam quæstio est logica, & curationi rectè faciendæ nulli vsui, ita enim puto legendum, non nullo.

Prosequeris: *Sed ecce contemptus & abiectus homo, cuius cò prorupit audacia, vi aduersus magistrum, & summum doctorem, quod definitionem actionis deprauata præterierit, aciem struere ausus sit.*

Hui? Argenterium miserum, ò me infelicem: Quod nos mare purgabit? Non definiuit Gal. deprauatam actionem; hac parte defecisse Galenum Argenterius dixit: ego idem censui, nec tu omissem negas: Ergo contemptus, abiectus, audax? O impudentem; Ergo id affirmando aciem aduersus Magistrum, & summum Doctorem struxi? O cucurbitam. Vido quam turpiter erres ubiq; hæc qui scribit, aciem instruit? Erubescite ergo Duces, qui in instruenda acie tantum laboratis, verbulo ego id facio, & si nescitis, hæc scribens. Actio deprauata quid sit, non parua difficultas, iure ut propterea reprehendat Galenum Argenterius, quod cum multos libros scripsisset de symptomatibus, numquam tamen in vniuersum definierit, quid sit illa. Hæc verba, quas videtis turbas excitant.

Cum tamen eam, quam vi gloriam sitiebat definitionem, vel leniter attingere nescieris nescius, &c. Das sine mente sonum, & quid dicas, præter Sibyllam, intelliget nemo, id tamen credo te dicere voluisse, cum tamen eam gloriam, quam sitiebat, nequaquam sit consequutus, nam definitionem ne attigit quidem.

Ne igitur ita nobis contingat, & de plebæia sæce haustus quispiam, negligentia hos nostros commentarios arguat, ideo ad temporis rationem, consilia nostra moderemur, ac dicamus quid sit actio deprauata. Mi homo, tu alios negligentia arguis, te alij negligentia argument.

Sed redeamus eo, unde fluxit oratio, & postquam submissa voce & humili est loquutus, audiamus quam velis in posterum vitare. Nunc verò contenta & vibrata vaticinari expedit. Ita ne? Atqui stultus ego te medicum credebam, & Galeni interpretem, nunc vatem esse inuenio, & diuinatorem. An potius ly vaticinari delirare significat, nam in hoc sensu quandoque eo vsus est Cicero? Itaque per Iouem, nam Ciceronianus es tu: vis itaque dicere,

Solita

l. 3. Ante
prax. c. 4.

Censura ad censuram vocata. 17

Solita lenitate & facilitate, de morbi & symptomatum, quæ propriè dicuntur tertio genere hucusque non pauca diximus, minurizando quidem, & humili submissaq; voce: nunc verò contenta & vibrissata hæriolari expedit. Audite ergo Cæli, auribus percipe terra.

*Rosellus Medicus, magnam cui mentem, animumq;
Delius inspirat vates, arcana recludit.
Conticuerunt omnes, intentiq; ora tenent iam.*

Eia ergo fare. Non est ab aliquo ante nos scripta hæc doctrina. cedo, nam arcana: Sed nobis vltro debita, & hoc quoque, debetur enim cuiq; quod suum est: quam inter alia multa ex nostro Marte, ly ex, abundat, arripuimus, hausimus, expressimus. Si tua: quomodo eandem arripuisti? est enim arripio idem quod rapio, & per vim capio. Si rapta: non itaque tua. Quare neque debetur.

Nollem tamen ob id inanis cuiusdam gloriola, quam satis est audior indicari. Laudarem, si nolles re vera; nam ligna quæ plurimum fumi exhibent, minimum lucis, calorisq; concipiunt, & quam paucissima possunt, qui plurima iactant. Sed quis nollet credere, qui ubiq; tuba canis, & tibi plaudis? Verè Seneca. Qui virtutem suam publicare vult, non virtuti laborat, sed glorie.

At utilitas, consiliorumq; meorum scopus est, tamquam exemplar ad imitandum proponi, ubi rei expediendæ difficillima est ratio, atque inter sacrum, ut dicunt, & saxum constitutus quis fuerit. Quid ergo an propterea vociferandum? Vino vendibili suspensa hedera nihil est opus. Imo obest, nam ut bene Lyricus.

*Multa fidem promissa leuant, ubi plenius æquo
Laudat venales, qui vult extrudere merces.*

Horat. in
Arte Poë
tic.

Inanis itaque gloriolæ sitis hæc extorsit. Et quis te alium credet, qui inde gloriam captas, unde mœreris infamiam? Sed ne iniquo hæc animo dicta censeat quispiam, audi lector & iudica.

Quærit citato loco Rosellus, quod multò antea venterat in dubiū Iouberus annot. vlt. in lib. Gal. de diff. sympt. cur symptoma in excretis & retentis nō reposuit Gal. sub læsa actione expultrice, aut cōtētrice quādo retenta præter naturā, aut expultrice sūt debilitata & abolita, aut cōtētrice adaucta; excreta præter naturā aut ex pultriciis vitio & errore; & id factum à Gal. censet, quia aliud est extremēta intus de parte ad partē mitti, aliud foras projicis illo enim motus ad læsas actiones pertinet, foras reiectari ad symptoma in excretis quamobrē, cū illud excerni sit symptoma in excretis; moueri de parte ad partē, actio facultatis, & hæc sint distincta;

C iure

iure hoc symptoma ab eo, quod in lesa est actione sepe ratio Galenus. Apponit verba propria, ne quid me improposuisse criminetur.

Principio, inquit, loquamur de excretis, in quibus quatuor sunt ponderanda. Primo substantia. Secundo vitium, immoderatio, & quod præternaturam sint, quæ ut diximus, in idem cadunt: & symptoma generaliter dictum constituit. Tertiò quod morbum sequatur necessariò. Quarì quod excernantur: distat enim plurimùm illud excerni, & exire à reliquis tribus. Excrementa quoad substantiam, symptomata non sunt: quæ vitio affecta, immoderata, & præternaturam, symptomata sunt, generaliter accepto symptomatis nomine: ut necessariò sequuntur morbum, symptomata sunt propriè dicta: at vero quatenus foras excernuntur, & proferuntur, constituunt hoc tertium symptomatum genus. Exemplo sit sanguis ex vulnere profluens, quem si sumamus, quæ sanguis: symptoma non est: si ut præternaturam, vitiosè, ac immodicè excretum, symptoma est, generatiua sumpto symptomate: ut speciatim accepto, si quatenus necessariò sequitur morbum: at vero, ut mouetur, fluit, exit, excernitur, in tertio genere symptoma est, ita ut illud, excerni sanguinem, definiat & constituat tertium symptomatum genus. Ut enim cum foras exit quotidie, qui ab urbe neque pedem egrediebatur, vel cum semper domi manet, qui sæpè aliàs ibat deambulatum, dicimus illud exire vel consistere, & commorari præter assuetudinem illius hominis, prodigium & certissimum portentum esse. Quid mirum; quod nos exire illud sanguinis contemplemur separatim, ac præter cetera tria, exire illud, tertium genus symptomatis constituere arbitremur? Sed dicit aliquis, excerni, exireq; sanguinem, facultatis expultricis est opus. quoniam excretio illius facultatis est actio, unde in secundum genus symptomatum relabimur, tertium ex usu non est. Respondo verum esse facultatem de parte in partem, abijcere excrementa, & tandem foras projicere: verùm in excretis dum excernuntur, non tantùm sunt nobis cura expultricis facultatis motus, qui agitantur intus, scimus enim ad actiones pertinere: sed vehementer solliciti sumus de illo motu, qui in substantiam excrementorum suscipitur, siue ab ali-

Censura ad censuram vocata . 19

ab aliquo agente intrinseco fuerit excitatus , ut sanguinis vomitus : siue à propria natura excreti , ut lumbricorum , siue à remouente prohibens , ut in vena sectione , vel extractione lapidis . Quam excrementorum motum impulsivum , ab actionibus facultatum plurimum differre , præclare constat , quoniam hoc loco rem formaliter , ut dicunt , mente contemplamur , quoniam motus , ut profluit ab agencie , dicitur actio : pathos verò vel passio , cum in passum recipitur , quemadmodum noster Galenus observauit præterito capite , & 2. meth. Hoc igitur pathema , idest passio eorū quæ excernuntur , hoc inquam , pati , & exire , ipsum tertij generis symptoma est .

Nunc dicamus de retentis , & intra corpus præter naturam quietis : nam quies motus priuatio est : per motum cognoscitur , atque ad eundem reducitur . Quod fit ut in retentis similiter quatuor considerentur . Primò substantia : secundò vitium , immoderatio , præter naturam : tertio , quod necessario sequatur morbum : quarto quod intus retineatur . Substantia symptoma non est : quia vitiosa , immodica , præter naturam , communiter symptoma : quæ verò necessario sequitur morbum , propriè symptoma : sed quatenus retinetur , quod excerni debebat , illud , inquam , pathos , & præter naturam retineri , ob validam retentricem , & languidam expultricem , tertij generis symptoma est , ut lapidis substantia symptoma non est , sed ut præter naturam symptoma generaliter , ut morbum aliquem necessario sequitur , propriè symptoma : quatenus verò præter naturam retinetur , symptoma in tertio genere .

Quid dicam lector , quid non dicam ? Putabam multa , eaquæ recondita doctum esse Rosellum ; quem ? enim spe multa non replet ventosum illud proemium .

Fortunam Priami cantabo, & nobile bellum .

Horat. in
Aric Poet.

At quis rei euentu perspecto non despondeat animum ? quis se deceptum non conquæritur , & dicit

Parturiunt montes, nascetur ridiculus mus .

Idē ibidē.

Enim vero tota ratio, cur distincta hæc symptomata censeat Rosellus, illa est, quia aliud est moueri de parte ad partem, aliud foras proijci. At verò nulla est hic distinctio, etsi datur fingendi licentia: distinguuntur enim motus, vel quia termini ad quos terminantur, sunt diuersi, aut quia mouens varium, aut quoniam diuerso modo mouentur, aut demum quia mobile non est idem, vt omnes causas, quæ aliquam faciunt distinctionem in motibus comprehendam. Nunc verò motus, quo seù sanguis seù excrementa mouentur extra corpus, in eodẽ semper mobili recipitur: ab eodem semper fit mouente, vt enim in corpore per impulsũ hinc inde mouetur, sic per impulsũ extra corpus proijcitur: quare, erit perpetuus motus ille respectu rei quæ pellitur, passio, respectu facultatis pollentis actio, non in corpore actio, extra passio. Terminus non est varius, terminatur enim extra corpus; nulla itaq; distinctio. Cur ergo motus ille in corpore, læsa actio fuerit expultrix, si fiat extra corpus, erit aliud & genere diuersum? Quis dices, vt quis domi deambulans, domi esse dicitur; at vbi foras prodit, eundem exire, & pedem domo efferre affirmamus; eodem modo vbi excrementa in corpore mouentur, moueri dicemus, & ad læsam expultricem vitia illa spectare: vbi eadem foras excernuntur, ad symptoma in excretis pertinere.

Non negauerim vñquam lector, vbi quis domi moueatur, domi esse, tum exire, cum domo pedem efferit; sed quæstio nostra, de denominationibus extrinsecis non est, de re agitur. Proinde dicat mihi, motus ille continuus, quo quis domo extra fertur, est nẽ diuersus, & multiplex, an vnus? non est certè multiplex, alioquin tot motus diuersos obibit, quot domos eodem in palatio, & eadem in linea contentas egreditur. At hoc falsum, Quare vnus. Nẽ si quiete aliqua intercipiatur, erit propterea motus diuersus specie, nam neque termini illi, & diuersa illa vbi, specie modo aliquo differunt. Quare aut vnus motus est, quo humor ex vna parte ad aliam effunditur, donec è confinio corporis expellatur, aut si multiplex, quod aliqua sit quiete interceptus, non erit ille certè diuersus specie. Quare adhuc declarandum superest, quid coegit Gal. vt symptoma hoc, genere ab alijs diuersum esse autumaret quod nos paucis, & facile Deo adiuuante faciemus.

Sciendum itaq; symptoma in excretis, excretionem esse, & in hac consistere ipsius naturam, seù excernatur humor extra corpus, seù de parte mittatur ad partem; nam cathartum definiunt medicorum multi esse symptoma in excretis, cum tamen raro humor extra corpus fluat: in excretionem inquam consistit, non in excretis aut excernendis; illud enim præterijt: futurum nondum emerit in lucem, neutrum itaq; est. Quare neque symptoma esse potest

Censura ad censuram vocata: 21

Erit proinde excretio symptoma in excretis. Vt verò intelligas, qua ratione differt ab actione læsa expultrice.

Scias secundo excretionem quamcumque ab expultrice continud pendere, nam hanc ob causam vocatur expulsio: vnde cum pellat facultas, quia molestat, vel à copia obiecti, vel à prava eiusdem qualitate, expeller semper aduitandam molestiam. Insuper cum possit molestari facultas, aut quia obiectum est multum, aut quoniam facultas contentrix continere non valet, continget excerni humorem, occasionaliter tamen, quandoque vitio & culpa contentricis virtutis, quæ non retinendo in causa est, cur excrementa sint oneri: sit idem aliàs culpa obiecti, vel copia dissondentis, prementis, aut alia mala qualitate irritantis.

Eodem pacto contingit retineri quandoque quæ cohiberi nullatenus deberent, aut quia expultrix languet, aut quia est extincta, aut quia contentrix est aucta, aut viæ impeditur, aut demum sit idem culpa obiecti crassi viscosi, aut ita tenuis, vt subterfugiat impetum. Quoniam enim motus fiat, requiritur mouens, mobile, & ne viæ sint impeditæ, sed patulæ & apertæ: Debet mouens esse robustum, obedire mobile, non reluctari: reluctatur autem, vel ob crassitiem, aut magnitudinem, aut tenuitatem: debent viæ non esse adstrictæ, aut obstructæ, sed expeditæ & laxæ.

Vbi ergo aliquid expellitur, quia retentrix non retinendo, in causa est, vt obiectum sit oneri, tunc illa expulsio & excretio, læsa actio fuerit contentricis primum facultatis, mox expultrici: At vbi sit idem culpa obiecti, aut copia lædentis, aut prava qualitate irritantis, tunc læsa actio non est, sed symptoma in excretis dici debet, si quæ enim læsa actio facultatis esset, expultrici esset; at verò tantum abest, vt propterea peccet ea in re facultas expultrix, vt expleat optimè suas partes; ad ipsam enim spectat molestantia quæque est confinio corporis expellere. Quare nulla est ibi facultatis læsio. Remanet itaque vt sit symptoma in excretis.

Eodem modo vbi excernenda cohibentur, quia expultrix languet, aut omnino est extincta, symptoma est in læsa expultrice imminuta, aut abolita. Vbi idem accidit contentrici adauctæ, est symptoma læsæ actionis auctæ, seu depravatæ facultatis retentricis. At vbi hæc retentio præter naturam inducitur culpa obiecti excernendi, tunc debet vocari symptoma in genere retentorum, hoc est symptoma factum ob retenta excrementa, quemadmodum symptoma in excretis vocant medici hunc affectum, vt innuerent fieri illud ob ea quæ sunt in ijs, quæ excerni debent. Ex his patet, cur Gal. & medici quique huiusmodi symptoma nunc ad læsam expultricem reducant, nunc distinguant, & symptoma in excretis & retentis præter naturam appellent, quod tu, & si magis

gaus

gnus Galenistæ nequaquam declarasti. Nempè non distinguunt, quia ad virumque genus potest pertinere, actionem nempe lœsam ex pollicenti, concentricam, & excreta retentâ, prout causæ ipsius variæ esse possunt, & diuersæ.

At dices, quacumque ex causa id accidat, non habet proprietas diuersam naturam; Cur ergo genere diuersa symptomata dicemus? Secundò si expulsiō semper sit ad vitandam molestiam, numquam esset aliqua excretio nobis nocua, nam perpetuò molestia tantum extrahuntur; at pereunt multi ob immodicè excreta.

Respondeo ad primum excretiones illas, diuersas à causa factas, si physicè loquamur, non esse diuersas; differre tamen medicè loquendo; eos enim affectus distinguunt medici, qui diuersam curationem exposcunt. Ergo quia excretio facta ab obiecto, copia, aut praua qualitate molesto, longè diuersam exigit curationem; ab eo quod sit obiecto grauante, quia concentrica continere non potest; hic enim adstringentia, & concentricam facultatem roborantia conueniunt, ibi aut vacuantia, quæ multitudinem immi- nuant, aut alterantia, quæ qualitatem emendant; propterea distincta hæc esse symptomata medici autumauerunt, & si physicè sint eadem.

Ad secundum dicimus excretionem hanc, haud lœdere, quia molesta extra corpus pelluntur; hanc enim ob causam inuadit, sed quoniam cum prauo humore vitii, vna simul excernitur, spiritusque effunduntur. Nempè & si vacuet molesta natura, & quam maximè nocua, laborat nihilominus in eorum expulsionem, viresque fatiscunt; vnde insit, hæc intuitus Hip. vt suppuratos aut hydropicos non vacuemus confestim, vacuati enim citò pereunt, non quia pus aut aqua vacuatur, sed ob spiritus; qui in his vacuâdis dissipantur.

Sed desino iam, nam pensum absolui; neque enim iacula intorquere proposui, sed cauere: me meaque excusare, non te tuaque accusare. Qui possem? expurgarem citius Augiæ ætherquilibrium, & mare totum cotyla absorberem. Quid vi vellem, impelleret? abnuui genius, repugnat natura, consuetudo reclamât; & vis scire, quantum à litigio abhorream? Quantum tu lites amas & iurgia. An aliter facere ratio suadet? nihil verò minus; nam cicadam, si ala prehendas, magis peritrepit. Comicus quoque scripsit.

*Baccha bacchanti, si velis aduersarier,
Ex insana insaniorem facies: feriet sapius.*

Sales quosdam admiscui, fateor; faciendum fuit, nè si insulse scriberem, qualem me esse prædicas insipidum, talem alij crederent. A morsu abstinui.

Quod

Censura ad censuram vocata : 23

*Quod si quis est, qui dictum inclementius
Existimavit esse, sic existimet
Responsum, non dictum esse, quia læsit prior.*

Terent. in
Prolog. Ex
mich.

Agè enim errauerim alicubi, extraviam iuerim: an eram continue verberandus? Non moneres? Etenim vt alia multa, ita & illud rectè à Seneca scriptum est, *errorem in homine calumniari, est toti ipsi mortalitati conuicium facere*. Eto tandem id corrigendum censes, quod factum gaudeo, & quibuscunque fecerint modestè, habebo gratiam. An ego conuictus prociendendus? Eia quæso, resipisce.

An tibi Maiores

*Keatosa in lingua, pedibusq; fugacibus istis
Semper eris*

Imitare modestiam Hispanorum tuorum, Vallesij, vtriusque Vegæ, Mercati, Garfæ, & Sanctæ Crucis; neque enim calumnijs, sed doctrina gloria comparatur: hac satisfit argumentis, non male dictis. Quod si e. dem placeat instituto insistere, & nihil est diceres, quod possis obijcere in posterum; caue nè ceres, amicè moneo, mea impugna: me desine lacerare.

*Habeo alia multa, quæ nunc condonabitur,
Quæ proferentur post, si perges lædere. Vale.*

Terent. ibi
dem.

F I N I S.

Imprimatur.

Iacob. Terragn. Vicarius Generalis.

**Fr. Dominicus Granina Ordinis Prædicat.
Cur. Archiep. Theol.**

